

駢題詩哀

自二部
至三部

番外書冊

漢書門			
八〇二	八三	二一	類
二五	九架	函	冊



內閣文庫			
八〇二	八三	二一	漢書類
三九	二五	架	冊

內閣文庫			
三八四六五	二五	架	和書類
〇七	函	一	架

集選五

內閣文庫		
番號	和	38465
冊數	25	(3)
函號	207	1






駢題詩哀卷一

陸奧

都



近江

關

研克精

同輯

二部

二遊詩

唐皮日休

序曰吳之士有恩王府參軍徐修矩者守世書萬卷優游自適余假其書數千卷未一年悉償夙志酣飲經史或日晏忘飲食次有前涇縣尉任晦者其居有深林曲沼危亭幽砌

馬是言夏 卷一
余並次以見之或退公之暇必造以息焉林
泉隱事恣用研詠大凡游於二君宅無浹旬
之間因作詩以留贈名之曰二遊兼寄陸魯
望

徐詩

東筦為著姓奕代皆雋詰強學取科第名聲盡孤揭
自為方州來清操稱凜冽唯馮墳籍多必云清俸絕
宣毫利若風剡紙光於月札吏指欲胼萬通排未闕
樓船若夏屋欲載如垤塤轉徙入吳都縱橫礙門闕

縹囊輕似霧細帙殷於血以此為基構將期用貽厥
重於通侯印貴却全師節我愛參卿道承家能介潔
潮田五萬步草屋十餘椽微官不能去歸來坐如削
保茲萬卷書守慎如羈紲念我曾苦心相逢無間別
引之看秘寶任得窮披閱軸閑翠鈿剥籤古紅牙折
帙解帶芸香卷閑和桂屑枕兼石鋒刃榻共松瘡癖
一卧寂無誼數編看盡徹或携歸解字或把穿林樾
挈過太湖風抱宿支硎雪如斯未星紀悉得分毫末
翦除幽僻藪滌蕩玄微窟學海正狂波予頭向中頌

聖人患不學垂誠尤為切苟昧古與今何殊瘖共矚
 昔之慕經史有以傭筆札何況遇斯文借之不曾輟
 吾衣任穀纒吾食甘糠覈其道苟可光斯文那自伐
 何竹青堪殺何蒲重好截如能盈兼兩便足酌飢渴
 有此競苟榮聞之兼可噉東臬耨烟雨南嶺提薇蕨
 何以謝徐君公車不聞設

任詩

任君恣高放斯道能寡合一宅間林泉終身遠囂雜
 嘗聞佐浩穰散性多儻俗歛爾解其綬遺之如棄鞞

歸來鄉黨內却與親朋洽開溪未讓丁列第方稱甲
 入門約百步古木聲霎霎廣檻小山欹斜廊恢石夾
 白蓮倚闌楯翠鳥綠簾押地勢似五瀉巖形如三峽
 猿眠但脰胸息食時□啞撥荇下文竿結藤縈桂楫
 門留醫樹客僻倚栽花鋤度歲止渴衣經旬唯白帽
 多君方閉戶顧我能倒屣□題在茅棟留坐於石榻
 魂從清景過衣任烟霞衰階墀龜任上枕席鷗方狎
 沼以頗黎鏡當中見魚眈杯杓悉杉瘤盤筵盡荷葉
 閑斟不置罰閑奕無爭劫閑日不整冠閑風無用箒

以斯為思慮吾道寧疲蕭袞衣競璀璨鼓吹爭鞞鞞
欲者解擠排詬者能詁講權豪暫翻覆刑禍相□□
此時一圭竇不冝饒閭闔有第可棲息有書可漁獵
吾欲與任君終身以斯愜

孤山二咏

宋 蘇軾

序曰孤山有陳時栢二株其一為人所薪山
下老人自為兒已見其枯矣然堅悍如金石
愈於未枯者僧志詮作堂於其側名之曰栢
堂堂與白居易竹閣相連屬余作二詩以記

之

栢堂

道人手種幾生前鶴骨龍姿尚宛然雙榦一先神物
化九朝三見太平年忽驚華構依巖出乞與佳名到
處傳此栢未枯君記取灰心聊伴小乘禪

竹閣

海山兜率兩茫然古寺無人竹滿軒白鶴不留歸後
語蒼龍由是種時孫兩叢恰似蕭郎筆千畝空懷渭
上村欲把新詩問遺像病維摩詰更無言

西湖二咏

宋 蘇轍

觀捕魚

西湖不放長竿入，群魚空作淘河食。漁人攘臂下前汀，蕩漾清波浮兩腋。藕梢菱蔓不容網，箔作長圍徒手得。逡巡小舟十斛重，踊躍長魚一夫力。柳條穿頰洗黃金，鱠縷堆盤雪花積。燒薤香橙巧相與，白飯青蔬甘莫逆。食罷相携堤上步，將散重煎葉家白。人生此事最便身，金印垂腰定何益。

食鷄頭

芡葉初生縐如縠，南風吹開輪脫轂。紫苞青刺攢蝟毛，水面放花波底熟。森然赤手初莫近，誰料明珠藏滿腹。剖開膏液尚糳糊，大盎磨聲風雨速。清泉活火曾未久，滿堂坐客分升掬。紛然咀噍惟恐遲，勢若群雛方脫粟。東都每憶會靈沼，南國陂塘種尤足。東遊塵土未應嫌，此物秋來日嘗食。

筠州二咏

宋 蘇轍

牛尾狸

首如狸尾如牛，攀條捷嶮如猱猴。橘柚為漿栗為餼，

肌肉不足惟膏油深居簡出善自謀尋踪發窟并執
囚蓄租分散身為羞松薪瓦甑烝浮浮壓入糟益肥
欲流熊肪羊酪真比儔引筋將舉訊何尤無功竊食
人所仇

黃雀

秋風下黃雀飛禾田熟黃雀肥群飛蔽空日色薄遂
巡百頃禾為稀翾翻巧捷多且微精丸妙繳舉輒違
乘時席勢不可揮一朝風雨寒霏霏肉多翅重天時
非農夫舉網驚合圍懸頸系足膚無衣百箇同缶仍

相依頭顱萬里行不歸北方居人厭羔豨咀噍聊發
一笑欬

二姬圖

宋朱熹

湘夫人

瀟湘水落時玉珮秋風起日暮悵何之寂寞寒江水

湘君

夫君行不歸日夕空凝佇目斷九疑岑回頭淚如雨

吳中二燈

宋范成大

琉璃球

龍綵繅冰繭魚文鏤玉英
兩絲風外縐雲網日邊明
疊暈重重見分光面面呈
不深閒裏趣爭識箇中情

萬眼羅

弱骨千絲結輕球萬錦裝
絲雲籠月魄寶氣繞星芒
檀點紅嬌小梅粧粉細香
等閒三夕看消盡一年忙

兩木

宋 范成大

序曰壬申五月卧病北窗
惟庭柯相對手植
綠橘枇杷森然出屋
枇杷已著子橘獨十年
不花各賦一詩

枇杷

枇杷昔所嗜不問甘與酸
黃泥裹餘核散擲籬落間
春風拆勾萌撲檄如榛菅
一株獨成長蒼然齊屋山
去年小試花瓏瓏犯冰寒
化成黃金彈同登桃李盤
大鈞播羣物幹旋不作難
樹老人何堪挽鐘覓朱顏
頷髭爾許長大笑歌巾冠

綠橘

綠橘生西山得自髯翁家
云此接活根是歲當著花
俛仰乃十霜垂蠹紛相遮
芳意竟寂寞枯枝謾搓牙

風士諒非宜翁言豈予夸會令返故山高深謝汗邪
石液滋舊根山英擢新葩黃團挂霜實大如崆峒瓜
當有四老人來駐七香車

江船二咏

元 王 渾

蓬

尺箒編黃蘆節□數須隻長短隨所宜張弛易為摘
一傍繫脚索若網細總緝此人布為帆南俗蓬以荻
舟師貪重載高挂借風力順流與遡波巨鷁添羽翮
望從遠浦來一片雲影黑亂衝渚烟開重帶江雨溼

百里不終朝用舍從順適夕陽見晚泊堆疊紛襞積
水雖物善利其助乃爾益

櫓

江船一鉅魚櫓施乃尾鬣當其淵水深棹弱不掇乏
故令施航後前與棹力合濟川具有五此物乃其甲
一聲天際來欸乃中流發或浮大河東並岸行若狎
終朝卧舷間蘭漿但空插緬懷剡木皇知創萬古法

雙清詩

元 呂誠

序曰梅花水仙一草木也其生恒在水涯幽
谷之間發於萬木搖落之後不以榮悴生死
異其芳不以春秋寒暑易其操雖窮冬盛雪
猶介然與松竹爭奇並茂有類乎高人逸士
懷抱道德遯世絕俗而高風雅志自有不可
及者余雖不敏心甚慕惜之故賦以識云

梅花

怪得荒寒野水濱
疎花冷蕊看橫陳
歌翻玉樹多嫌

俗夢喚梨雲却久真半點不煩春
刻畫一分猶仗雪精神臘團新萼雖
同出未免韓公議小醇

水仙

湘魂懶上木蘭舟
淪落江南草莽丘
澹色幽香羞自獻
江空歲晚若為儔
素羅微步盈盈月
翠袖寒分寸秋
隔竹似聞靈瑟語
吳雲楚雨不勝愁

蘭室二咏

明 張羽

葉

泛露光偏亂含風影自斜
俗人那解此看葉勝看花

花

能白更兼黃無人亦自芳寸心原不大容得許多香

板屋二適

明王鏊

負暄

茅檐有冬日可愛乃易落為公獨遲遲憐渠能灼灼
退朝坐蒲團嗒然傲南郭時維春冬交正值陰陽搏
屋頭上陽烏籬邊鳴凍雀方知黃綿襖絕勝素綾幙
煖入支體舒懶任傍人謔及晨卯酒酣正晝蜂衙作
玄冥頓無威陽春真有脚一室不願餘四大殊能著

自諳此中趣經書亦可閣持欲獻吾君未許專此樂

看雪

吾聞老農言一冬見三白來年定有年無煩問諸易
寒日翳翳明暮雪漼漼積時聞灑窗櫃兼恐推屋脊
平鋪瓦溝滿低壓檐前側纖纖誰所裁逐逐若相逼
庭空印鶴趾裘弊欺狐腋况當板屋看稍若朱簾隔
柳弱不勝扶藤重那能擲旋埽入茶爐復取映書冊
緘書忽何來凍手呵自拆唯嫌獨醒醒羊羹誰與適

幽居景物二首

明莫如山

樹色

遠林映郭弄晴暉
誤道浮嵐認却非
杜老物華詩點
染房山水墨畫
稀微靜蕪花影
初搖砌細雜苔
痕欲
上衣獨倚江南
望江北天空高
鳥一時歸

鳥聲

庭花風落正堪憐
好鳥飛來近我前
似惜春歸情謾
訴雅含歌調譜
難傳令人倚樹
立不倦歌枕拋
書起
又眠况復流泉
當戶外匣琴終
日懶揮絃

二逸詩

明沈淮

陶彭澤

千載閒情寄短篇
瑤琴漫樹却無絃
督刺束帶非難
事種菊東籬亦
偶然

王右軍

鸞鳳姿態地行仙
龍性難馴藻思玄
墨池一決風雲
起書罷籠鷺亦
偶然

二瑞詩

明俞安期

甘露

英英結露實誰下
帝臺漿玉綴安仁
樹珠零召伯棠

馬題詩
終應上仙掌采入萬年觴

瑞麥

堯庭有屈草化為麥兩歧上隴既蒨鬱下隴何葳蕤
東風對搖舞猶如指佞時

二約

明 蕭師魯

惜物

分此爾儀靈賢愚覺蠢庫耳目無二形高峙從奚
試作同體觀喜怒兩莫矢一切有情者血氣與人通
萬形俱一物何自分我爾生成况有盡末因水火否

剝縷并餘粒費幾陰陽糝蒼頡泣兔後點畫舍角微
俱留後起想應借無窮旨還觀七尺軀持行視聽靡
形傷神與耗更復業因比隨事隨提撕恭慎暨大豕
挽茲叔季薄有念先糠粃坦然造化遊撲完化群俚
宴動妄一言何啻皮毛梳兢兢節此生塵滴勿過儼
脣掀致雨雲笑言宜謹起鑿彼陰陽竅紙墨殊仇技
一行一聳哉腐痴任俗齒

愛生

五倫既已其一物一倫委居食無二情悲樂豈歧止

奪彼父子情君臣夫婦蕪習俗等云常驟語反驚傀
 生必滅與繼何勞假手死應此鬚眉人亦待鼎鑊倚
 人賴毛血生柰復產黍批牙爪肆其毒何必人非旨
 况彼兩儀光陰陽並鑄始性統人物一太極無二理
 殆後人輪物漸流漸莫已無始我知識寧免羽鱗衰
 痛癢觸即真仁種共惻起况假因緣說不忍應同矢
 千古好生懷聖凡寧彼此

朱彝尊

憎蠅

曉夢晨光裡群飛戶尚扁慣能移白黑非止慕羶腥
 曲几思投筆輕巾屢拂屏北窗眠未穩孤坐憶江亭

憎鼠

尺二田間鼠何來廣厦中鬚者縛筆易聲比數錢工
 未肯腸三易須知技五窮銜蟬如可騁滅燭卧宵終

盆蘭二咏

清 朱昆田

同心

一雙玉女鬪嬋娟素質亭亭看比肩蝴蝶作團停葉
 底蜻蜒相戴立風前宵幃共縮鴛鴦結曉鏡齊拈翡

翠鈿好與吳娘新髻樣不須依舊學秋蟬

並蒂

弱翰同心已足誇又看並蒂發瓊葩水妃共踏承雲
鞞宮女爭勻襯臉霞丹竈紅休憐一線珠江碧漫詫
雙了惟應插上麻姑髻絕勝仙家綠玉花

二蟲詩

清 蔣廷錫

蒼蠅

蠻蟲化入土蠅族實蔓滋果然垂大腹輕乃等黍黍
飛飛集糞壤營營遍九達矐然出兩目香臭悉預知

夏日宴賓客滿案堆甘飴主賓未下箸此物已朶頤
或藏千金壁白潔逾瓊芝爾蠅來至止識者悲磷緇
或能附驥尾遠致千里思或能窺御筆為王宣綸絲
或亦亂雞鳴再歌齊后詩或來賀及第八行媚所私
死因嗜肉汁醉即投醕池鷹頭集固巧故紙鑽非癡
適從何處來入戶披我帷不能碎豆擊輒欲拔劍追
天公肆長養此意令我疑大鵬有兩翼何不撲殺之

蚊

晴天雷殷殷乃是蚊聚市勿謂一物微亦足傷吾體

遊戲來東方中庭舞靡靡雄豪花鷹推翫麟宿鴨比
 喻爾入高堂喲然窺卑痺巧密綠紗幘拙悞隔羅綺
 軟則啗皮膚硬即啄髓髀噬血聳高尻得意奮利觜
 中宵發竒癢爬搔不可止起來桓桓擊僵仆滿牀第
 火攻意未快掌捫血染指主人雖被創汝亦狼藉死
 南海有蚊母江東有蚊樹朝吐復暮生爾族何時已
 有蚊不敢驅哀哉吳孝子

三部

三物咏

梁三名

慢

幸得與君綴幕歷君之楹月映不辭卷風來輒自香
 每聚金爐氣時駐玉琴聲但願置樽酒蘭缸當夜明
 琵琶

麓

抱月如可明懷風殊復清絲中傳意緒花裡寄春情
 掩抑有竒態悽鏘多好聲芳袖幸時拂龍門空自生
 江南簫管地妙響發孫枝殷勤寄玉指含情舉腹垂
 雕梁再三繞輕塵四五移曲中有深意丹心君詎知

三君咏

唐高適

序曰開元中適遊於魏郡郡北有故太師鄭公舊館里有故尚書郭公遺業邑外又有故太守狄公生祠焉觀物增懷遂為三君咏

魏鄭公徵

鄭公經綸日隋氏風塵昏濟代取高位逢時敢直言

道光先帝業義激舊君恩寂寞卧龍處英靈千載魂

郭代公元振

代公實英邁津涯浩難識擁兵抗矯徵仗節歸有德

縱橫負才智顧盼安社稷流落勿重陳懷哉為悽惻

狄梁公仁傑

梁公乃貞固勲烈垂竹帛昌言太后朝潛運儲君策

待賢開相府共理登方伯至今青雲人猶是門下客

得陽春三首

唐白居易

春生

春生何處闇周遊海角天涯徧始休先遣和風報消息續教啼鳥說來由展張草色長河畔點綴花房小樹頭若到故園應覓我為傳淪落在江州

春來

春來觸地故鄉情
忽見風光憶兩京
金谷蹋花香騎
入曲江碾草鈿車行
誰家綠酒歡連夜
何處紅樓睡
失明獨有不眠不醉客
經春冷坐古湓城

春去

一從澤畔為遷客
兩度江頭送暮春
白髮更添今日
鬢青衫不改去年身
百川未有迴流水
一老終無却
少人四十六時三月盡
送春争得不殷勤

木蘭後池三咏

唐皮日休

重臺蓮花

歌紅矮嬌力難任
每葉頭邊半米金
可得教他水妃
見兩重元是一重心

浮萍

嫩似金脂颺似烟
多情渾欲擁紅蓮
明朝擬附南風
信寄與湘妃作翠鈿

白蓮

但恐醍醐難並潔
祇應蒼菊可齋香
半垂金粉知何
似靜婉臨溪照額黃

三憶

唐韓偓

憶眠

憶眠時春夢困騰騰展轉不能起玉釵垂枕稜

憶行

憶行時背手移金雀斂笑謾回頭步轉闌干角

憶去

憶去時向月遲遲行強語戲同伴圖即聞笑聲

歲晚三詩

宋蘇軾

歲晚相與餽問為餽歲酒食相邀呼為別歲

至除夜達旦不眠為守歲蜀之風俗如是余

官岐下歲暮思歸而不可得故為此三詩寄

子由

餽歲

農功各已收歲事得相佐為歡恐無具假物不論貨

山川隨出產貧富稱小大寘盤巨鯉橫發籠雙兔卧

富人事華靡絲繡光翻座貧者餽不能微摯出春磨

官居故人少里巷佳節過亦欲舉鄉風獨倡無人和

別歲

故人適千里臨別尚遲遲人行猶可復歲行那可追
問歲安所之遠在天一涯已逐東流水赴海歸無時
東鄰酒初熟西舍彘亦肥且為一日歡慰此窮年悲
勿嗟舊歲別行與新歲辭去去勿回顧還君老與衰

守歲

欲知垂盡歲有似赴壑蛇脩鱗已半沒去意誰能遮
况欲繫其尾雖勤知奈何兒童強不睡相守夜謹譁
晨鷄且勿唱更鼓畏添槌坐久燈燼落起看北斗斜
明年豈無年心事恐蹉跎努力盡今夕少年猶可誇

吳江三賢畫像

宋 蘇軾

范蠡

誰將射御教吳兒長笑申公為夏姬却遣姑蘇有麋
鹿更怜夫子得西施

張翰

浮世功勞食與眠季鷹真得水中仙不須更說知機
早直為鱸魚也自賢

陸龜蒙

千首文章二頃田囊中未有一錢看却因養得能言

鴨驚破王孫金彈冠

謫居三適

宋 蘇軾

旦起理髮

安眠海自運浩浩朝黃宮日出露未晞鬱鬱濛濛松
老櫛從我久齒疎含清風一洗耳目明習習萬竅通
少年苦嗜睡朝謁常忽忽爬搔未云足已困冠巾重
何異服轅馬沙塵滿風駿珂鞍響珂月實與柶械同
解放不可期枯柳豈易逢誰能書此樂獻與腰金公

午窗座睡

蒲團盤兩膝竹几閣雙肘此間道路熟徑到無何有
身心兩不見息息安且久睡蛇本亦無何用鈎與手
神凝疑夜禪體適劇卯酒我生有定數祿盡空餘壽
枯揚不飛花膏澤回衰朽謂我此為覺物至了不受
謂我今方夢此心初不垢非夢亦非覺請問希夷叟

夜卧濯足

長安大雪年末薪抱衾裯雲安市無井斗水寬百憂
今我逃空谷孤城笑鵲鷓得米如得珠食菜不敢留
况有松風聲釜鬲鳴颼颼瓦盎深及膝時復冷暖投

明燈一爪剪快若鷹辭講天低瘴雲重地薄海氣浮
土無重脰藥獨以薪水瘳誰能更包裹冠履裝沐猴

彭城三咏

采賀水鑄

戲馬臺

秦蛇已中斷劉項方龍戰叱咤沮風雲睚眦走霆電
鴻一溝一畫天地開楚王洗劍東歸來新都形勝控
淮泗籠山絡谷營高臺童瞳登覽何為者不知招賢
知戲馬上如激矢下投丸蘭筋霜腕便回盤半夜悲
歌雕不逝明日陰陵行路難駉牝三千歸漢閒粟豆

猶聞蠹縣官君不見華山之陽古坳牧春風吹草年
年綠

斬蛇澤

君不聞泗濱亭長送徒如咸陽徒夫懷歸多道亡澤
中置酒飲相訣吾亦從此奔砮礮陰風蕭蕭導者懼
前有修蛇怒橫路酒酣拔劍留行劃斷蜿蜒不回
顧河明月出人踵來彼媪何冤號且哀謂遭赤帝屠
吾子語竟莫知安在哉真人聞此自心許茫茫四海
吾其主虎變龍飛十二年馘項梟英盡狐鼠半夜雄

鏗飛上天幾見長陵一抔土

歌風臺

漢祖高風百尺臺千年客土生蒿萊何窮人事水東去如故地形山西來江淮猶沸鯨鯢血八十一車枉歸轍白首逢迎皆故人牢酒歡呼惜將別峭澗迢遙非我鄉死生此地烏能忘酒闌鳴筑動雲物青襟兒曹隨抑揚爾時可無股肱良端思猛士守四方君不聞淮陰就縛何慨慷解道烏盡良弓藏

三鳥咏

宋賀鑄

提壺引

綠野帶江春漠漠露濕花萼朝暮薄年芳婉婉欲辭人啼鳥殷勤勸行樂提壺真起予十千美酒當賸沽金龜寶貂家所無持抵可過黃公壚調官東來今幾日謂有公田宜種秫朝廷未除私釀律安得一試焦革術提壺鳥歎吾與爾皆悠悠君不見長安兩市多高樓大書酒旆招貴遊脫聞提壺鳴樹頭論槽買甕更獻酬庶幾此聲知所投胡為南鄉長滯留端使北

宗狂客羞

北宋狂客方田自號也

竹雞詞

東南澤國陂塘濶旱歲少逢晴五月田間盡喜雨
 溟竹下雞啼泥滑滑而予不耕陂下田田皋驅馬揮
 長鞭稻塍微茫絕復連如躡鏡面流鮫涎植蹄沮洳
 不敢前何暇顧惜青連錢竹雞鳥汝幸飛翔羅罽外
 安知此塗吁可畏雄雌更鳴方自慰汝不能言臆為
 對君不見日圍赫赫是長安大明宮闕開雲端雞人
 唱漏展三刻左右相君朝謁還前騶誰敢干後乘不
 可攀飄飄青蓋望已遠綠槐陰下沙隄間長堤千步

沙漫漫風不驚塵雨亦乾君能馳騫此其所何事江
 鄉行路難

子規行

長江靡靡山陂陀旅竹荒松蒙蕙蘿蠶初眠起風日
 暖梅弄黃時烟雨多山間有逕行逶迤倦客據鞍生
 睡魔奈爾思歸啼鳥何子規鳥不如歸去好誰家西
 北最高樓幾為王孫怨芳草子規憐爾解歸飛我獨
 何心長不歸十年跡絕蘓門道夢裡舊遊知是非一
 官竊食官倉米十口之家飽而已金印錦衣耀閭里

少年此心今老矣問舍求田從此始

三斛花

宋 楊萬里

序曰省前見賣花擔上有瑞香水仙蘭花同

一瓦斛者買舟中各賦七字

瑞香

侵雪開花雪不侵開時色淺未開深碧團藥裡笋成

束紫蓓蕾中香滿襟別派近傳廬阜頂孤芳元自洞

庭心詩人自有薰籠錦不用衣篝炷水沈

水仙

生來體弱不禁風匹似蘋花較小豐腦子醲薰衆香
國江妃寒損水晶宮銀臺金瓊談何俗攀弟梅兄品
未公寄語金華老仙伯凌波仙子更凌空

蘭花

雪徑偷開淺碧花冰根亂吐小紅芽生無桃李春風
面名在山林處士家政坐國香到朝市不容霜節老
雲霞江蘼圃蕙非吾耦付與騷人定等差

幽居三咏

宋 王十朋

脩竹

馬是詩
卷一
我得家傳好此君
剝裁千挺拂青雲
塵埃不掃自然
去風月有餘誰可分
萬籜蒼龍春後見
滿軒鳴玉夜
深聞時時助我毫
端興宜與江山共
策勲

黃楊

兵火回頭二十年
吾家此樹實青氈
兒時尚及見封
植亂後那識獨保
全雖荷生成能翁
鬱不輕剪拂豈
團圓主翁不忍加
斤斧舊物於人最
可憐

丁香花

玄冬萬木落如掃
苦恨江梅開不早
誰言菊後便無

花更有丁香尉
枯槁雨膏碧葉剪
琉璃風薦幽葩噴
龍腦小軒深院夜
淒清月白霜寒天
色好素面含情
宋玉愁仙肌帶濕
真妃澡何人為取
藥中名瑞為花
能除病腦我時獨
步瓊枝邊相向無
言意傾倒臨風
三喚更徘徊研墨
為花加品藻

三白

宋
王十朋

梅花

孤標相對楚天涯
寒不能威意自佳
消得廣平公授
筆此花真是鐵心
花

水仙花

葉抽書帶秀文房玉表黃中耐雪霜得水成仙最風味與梅為弟各芬芳

雪

不來平地只山巔端為民貧故見憐未到立春獨臘月忽成三白定豐年

宋 陸游

昔人有畫醉僧醉道士醉學究者皆見于傳記及歌詩中予暇日為各賦一首

醉僧

殘雪覆枯顱手扶短柳栗送酒無蘓州一醉未易得青旗獵獵秋風吹長瓶一吸亦足奇但辨道傍常醉倒不須解作藏真草

醉道士

落托在人間經旬不火食醉後上江樓橫吹蒼玉笛大口如盆眼如電九十老人從小見曾携一鶴過岳陽滿城三日聞酒香

醉學究

聖師飲百觚儼然常齊莊弟子習禮餘兒能躋公堂
至今遺風被洙泗諸生雅歌老儒醉衣冠簡朴未可
輕安知中無魯二生

三瑞詩

宋 岳珂

環豫庵皆竹也嘉熙庚子三月忽呈三瑞皆
前所未覲或者嘉祥有待而出耶護以朱欄
表以名扁因物有感復系以詩

鷓竹

右雙竹抽幹幾尺始分兩歧巖然競秀其瑞特異名以鷓竹

雷雨新頭角烟霄舊羽翰聯根方拔象接翌更停鸞

紫錦雙翻籜青銅並倚竿摩穹端有待聊復護雕欄

蟬竹

又四竹當竹之半有二節蔚然前合而後分而兩得奇耦之正猶蟬腹然名

以蟬竹

氣並陰陽正仁無雨露偏闔開知有地奇耦自潛天
雖煥雙紋異仍存一節堅薰風動蟬腹槐綠又鳴絃

龍竹

右一竹當竹之項盤舞詰曲夭矯自然有拏雲騰霄之態名以龍竹

夭矯青池近騰拏碧漢遙微風鳴嶰管輕霧映鮫綃
舞翠槐齊秀蟠青松後凋終須還直道勁節自干霄

旅館三適

宋 陳造

米漿

厥初木禾種移殖雲水鄉粉之且縷之一縷百尺疆
勻細蠶吐緒潔潤鶩截肪吳儂方法殊楚產可倚墻
嗟此玉食品納我蔬蕪腸七筋動輒空滑膩乃甘芳
豈雕僕餐餌政復如枕柳即今弗泪感頗思奉君王

燒猪

雋永項上鬻紅嫩劣帶骨彼美大欄君坐受群毛朝
鼎涪走真味正籍松炬燒毛我銀絲寓葱豉巧和調
董塗非所宜淑郁如蘭椒腹腴但下隸糲根合藤條

併填長翁腹未覺喉牙搖但訝大嚼餘無補詩腸枵

清白堂酒

佳齋肯見分春意借客至誰將清白名言代碧香溢
起淪饒磁甌玩吮色香味醍醐馥牙頰沈澆沃肺胃
桑落古宜城不足偕品第我病久不飲此日欲小醉
快哉羈寓中乃遣拜嘉惠一盃先晨飯歛作凌雲意
米托薦燒豬佳此三者備飽足仍酣醺眇睨人間世

墨竹三首

金 龐 鑄

隔溪烟雨

馬廷言
卷一
一溪流水玉娟娟溪上脩篁接暮烟誰倩能詩文與
可筆端移得小江天

秋風驟雨

瀾川急雨暗秋空無限琅玕淡墨中
劍甲縱縱軍十萬欲將貔虎戰斜風

春雷起蟄

千梢萬葉玉玲瓏枯槁叢邊綠轉濃
待得春雷驚蟄起此中應有葛陂龍

老年三病

明沈周

眼花

轉費揩摩轉減光苦無障翳只荒荒
俛眉作字仍虛畫觸鼻看書反差行
蓋幅鮫綃花情懂隔重雲母月微茫
從前了了都休說青白甘輸與阮郎

耳聾

苦無聊賴坐新聾終日騰騰兀兀中
著味笑堪陪座客攙分癡好作家翁
跳江昨夜安秋枕墮葉明朝問朔風
非是是非還自在我無聞聽便應空

齒痛

風襲蟲攻兩禍端左車淦淦載梅酸舌都無恙先輸
弊唇未云亡莫罪寒送藥親朋徒說効勸餐兒女不
知難老年飲食非輕事又差今年醉牡丹

懷田園三首

明 吳維嶽

餒蠶

戴勝催人浴種喧雨天桑柘望晴溫楊花落盡梁禽
至但聽縑車聲滿村

藝麥

犂确沙田歲兩收雉鷄飛處綠油油清和社鼓村翁

醉把臂斜陽賀麥秋

收粟

溪谷涼風罅粟房嘉供賓客薦蒸嘗燕秦何獨誇千
樹得比侯封是故鄣

漢三君詩

清 顧炎武

高祖

父老苦秦法願見除殘兇三章布國門企踵咸樂從
雖非三王仁寬大亦與同傳祚歷四百令名垂無窮

光武

文叔能讀書折節如儒生一戰推大敵頓使海寓平
改化名節崇磨鈍人才清區區黨錮賢猶足支危傾

昭烈

卓矣劉豫州雄姿類高帝一身寄曹孫未得飛騰勢
立志感神人風雲應時至翻然遂翱翔二豪安得制

三蔬圖

清宋 肇

白菜

幾年燕京擁地爐黃芽之羹薦中厨
謁來南州食單減大巢無味著蘋麤披圖新翠嫩可摘為菹擬備三

冬需中夜酒罷相如渴先生端祇期冰壺

筍

古烟一抹春雨注嶰谷蟄龍想騰翥青苔迸地生玲
瑯千尺琅玕錦綉護金鴉嘴斲平臺東風味殊佳懷
舊圃好趁江國爛朱櫻上座聊泰玉版去

蘿蔔

詩人昔賦采葑菲土酥雖賤味則良嚙根萬事皆可
就英雄種菜知何妨雪溪遺老寫生手紙上如拳淨
堪剖深衷抑鬱待爾舒一飽怡然更奚取

三慎詩

清 陸奎勳

慎言

出口迅於風駟馬追不及更事謾云多拊心疲難釋
縱未滋物謗已虞損道 三字磨塊堅佩之永無斲

慎動

兩儀本若環誰甘守寂靜萬彙朝如烟吾寧尚馳騁
失足多康莊而况九崢境慎動希古賢光風坐消領

慎思

人為萬物靈心乃百體主云何思之過飄忽類羈旅

物我盡相牽心口夜相語蔓草不扶根此中無淨土

鹽竈雜咏

清 沈懋功

沙場

兩浙鹽場餘三十大海周環通呼吸一望沙塗似掌
平隔江嵐翠朝堪挹狂風吹起刮目塵斑斑沙漬沾
衿濕灰泥灘曝及晴曠錢鏹如鱗收聚急花浮白雪
積成堆再淋再曝方成汁忽驚雷雨夜滂沱夫婦終
朝相向泣

煎鹽

東海奔濤流不竭晴波灩灩融成雪氣升澤涵雜浮
雲萬竈烟青炊不絕殷勤莫憚負薪勞晨起入山宵
未輟細編篋簾滌牢盆赤焰烘天汗流血煮出霜花
心更憂配償宿逋新還缺終朝辛苦不謀身老婦鰥
顏衣百結

追賸

誰非痛癢關肌肉垂涕哀號受鞭撻誰無夙夜羞愧
心俛首吞聲忍耻辱煎辦無資可柰何售私祇為饑
寒逐豪商網利悉錙銖餘膏吸盡侵漁腹頻年積逋

不得輸敢向公庭辭責篤幸逢恩詔賜寬征從此春
風迴忝谷

歲寒三友

清高宗

松

誰識夢裏吾幻作寒時友所欣瀟灑侯不棄支離叟

竹

風敲綠琅玕自奏雲山曲堪笑世俗人道是不如肉

梅

溪邊綠珠仙倚竹秀而野寄語貌梅人識取梅梅者

三無詩

清王暉

衣無綿

滿天風雪日相纏
絮冷衣單不耐穿
非學袁安欲僵
卧忘情何用著新綿

食無肉

漫言口腹累盤餐
近市魚旬食肉難
蔬食菜羹今已
慣請君莫作鄙夫看

夔無薪

踈懶從來不計貧
恨無樵筭可資身
祗今欲奪吳剛

斧斫盡蟾宮桂作薪

三嬋娟詩

清艾容

人嬋娟

夕陽纔隔杏花天
春色樓頭欲捲簾
不分遠山青未
了羅衣寒怯度如年

月嬋娟

桂子無聲濕露涼
山河空影繡衣裳
廣寒宮殿常蕭
瑟只與人間照夜長

竹嬋娟

滿湘風雨怨何時帝子春愁望九疑渺渺寒波人未
至清江鴻影費相思

湘水之流也

帝子指湘夫人也

九疑山在湘水之南

鴻雁影也

費猶用也

三

文

駢題詩哀卷一

